



Benz Faex

爬树

贵港市覃塘区蒙公乡高占小学四年级 黄茂晨

Gwn ngaiz gvaq le, ndaw ranz bouxlaux cungj ninzringz lo, gou yaemj din yaemj fwngz byaij ok dou hung, lumj bouxcaeg ityiengh siujsim. Ok dou le, gou couh lumj duz maxloeg ityiengh buet bae ra doengzdoh.

Dou buet daengz laj gofaex hung he, gofaex maj ndaej youh hung youh sang, miz geij nga hung lumj goekga dou nei, iet bae gig raez, mbaw heusdswd. Gou goq mbouj ndaej yawj baenz lai, couh lumj duz gaenglwg nei benz hwnj faex bae gonq, gou youq gwnz faex hemq coh baihlaj: "Daihgya vaiq benz hwnjdaeu

vei!" Dahvaz song fwngz gaem maenh ganjfaex, caekhaex duiq doxroengz, song din baez di baez di benz hwnj faex. Hwnj daengz gwnz faex, daihgya gag ciemq aen dieg he gvi shwgeij. Gou naengh youh gwnz ngafaex, venj song cik ga doxroengz, rumz cifwtftw, geijlai cwxcaih ha! Dahcej riugaekgaek mbouj dingz, Siujmeij cix boemz youq gwnz ngafaex ninzndaek lo.

"Raeuz daeuq guhcaemz 'duz-guk daeuq lo', ndei lwi?" Gou cam daihgya, daihgya ngaek gyaeuj doengzeiq lo. Guhcaemz "duzguk

daeuq lo" dwg daihgya youq gizgyae ndoj, dingqny i miz vunz hemq "duzguk daeuq lo" le, couh benz hwnj faex bae, seizgan daengz le, boux lawz caengz benz ndaej hwnj gofaex, bouxde couh saw lo. Dou laebdaeb diuq roengz faex, buet bae giz gyae, ndoj hwnjdaeuq. "Duzguk daeuq lo!" Boux doengzdoh sawqmwh hemq hwnjdaeuq. Dou ganjgip cienq ndang buet dauq laj gofaex.

"Vaiq di!" Gou hemq naeuz. Dahgya caenx youq laj goek faex boux cieq boux benz hwnj faex, boux beij boux vaiq, "haj, seiq, sam, ngeih, it," boux ndeu naeuz, "seizgan daengz!" Siujhoengz menh lai, lij caengz benz hwnj faex. "Siujhoengz saw lo!" Miz song boux ngamq benz hwnj goek faex, hix suenq saw lo. Gou youq gwnz gofaex riuhehe naeuz: "Gou hingz lo" Dou cungj riu lo, sing riu cienz bae gig gyae.

(指导老师:韦江萍)

Daxmeh Gangj "Vahgyaj"

妈妈说“谎话”

贵港市覃塘区蒙公乡高占小学 三(1)班 苏依玲

Daxmeh ciengzciengz son gou yaek guh boux lwngyez lauxsaed ndeu, mbouj ndaej gangj vahgyaj. Hoeng miz haujlai baez gou raen daxmeh hix gangj "vahgyaj".

Gou caeuq daxmeh ngoenz-naengz moix boux gwn song aen gyaeggaeq, gou maj ndaej biz-bwtbwt, hoeng daxmeh gou lij caeuq gaxgonq ityiengh byom. Miz baez ndeu, gou guh cozyez sat le, couh bae yawj daxmeh cien gyaeggaeq. Gyaeggaeq cien ndaej lo, rangfwdfwd, bouxlawz raen le myaiz cungj rih bae. Gou raen cij miz song aen, couh cam daxmeh: "Daxmeh, vih gijmaz cij cien song aen?" Daxmeh riuriu gangj:

"Daxmeh gaenq gwn lo." Geiz-gvaiq, ngamqngamq hainduj cien gyaeggaeq, daxmeh vih gijmaz gangj de gwn gvaq lone? "Daxmeh, mwngz caengz gwn, mwngz itdingh dwg yaeh gou." Gou sing hung gangj. "Mwngz lij iq, gwn lai di, ndang mwngz cij maj ndaej vaiq, gou gwn mbouj gwn mbouj miz gvanhaeh." Daxmeh gangj. Yenzlaiz dwg yienghneix ha, nanzgvaq moix baez miz gijgwn ndei gwn seiz, daxmeh cungj gangj: "Gou gwn gvaq lo, mwngz gwn ba!" Daxmeh ha, mwngz vih gijmaz shwgeij cungj sij mbouj ndaej gwn ne? Gou naemj ha naemj, mingzbeq lo: Neix dwg cungj fuengsik daxmeh gyaez



lwg ndeu. Ndaeng gou baez soemj, raemxda youq ndaw gvaengzda cienqlulu.

Seizdoeng, rumz baek cihuhu, raemx caepcatcat, daxmeh vih gou swiq neix saeg haenx, song fwngz daxmeh gyaengj dwk hoengz-foedfoed lo. Gou yawjraen le, cam daxmeh gyoet mbouj gyoet, de riu gangj: "Mbouj gyoet." Gou baenz-lawz saenq ne?

Daxmeh gangj "vahgyaj", sawj gou gamjdoengh, hoeng ndawsim gou gig mbouj ndei souh.

(指导老师:覃珍团)

Doengzhag Gou

我的同学

贵港市覃塘区蒙公乡高占小学 三年级(1)班 邓卓荣

Veiz Siujhungz dwg lauздung vejyenz ban dou, de ciengzseiz bwz song diuz mengqbyoem, lwgda de ndongqliklik, song cik fwngz de daegbied miz rengz, vih ndaw ban guh gvaq haujlai hong.

Geiq ndaej miz baez ndeu, ngamq gwn gvaq haeuxcaeux, Goh Siujvaz dungxin, gig hojyouq, nyaenx mbouj ndaej rieg lo, ndaw gyausiz sawqmwh haeusatsat, gyoengq doengzhag bouxboux nyaenx aen-ndaeng ndoj gyae'gyae bae. Lij miz di vunz naeuz: "Haeu lai lo, haeu lai lo!" Lij itmienh gangj, itmienh buet ok rog gyausiz bae. Goh Siujvaz yawjraen daihgya yienghneix, nanz-gvaq dwk daej lo.

Cingq youq seizneix, Veiz Siujhungz gaem aen geilabcab buet roengz laj laeuz bae lo. Gvaq yaep ndeu, de baegfofo buet dauq gyausiz, dawz namhsa saj gwnz doxgaiq rieg bae, lij aeu sauqbaet baet gij uq seuq bae. Veiz Siujhungz caen miz banhfa, gou geizheih dwk cam: "Veiz Siujhungz, mwngz caen coengmingz, mwngz dwg baenzlawz siengj daengz aeu namhsa daeuq baet gij uq ha?" Veiz Siujhungz riuriu naeuz: "Neix suenq gijmaz, dwg bingzciengz yawjraen vunzlaux yienghneix guh gvaq." Gou youh cam: "Mwngz mbouj lau uq mbouj lau haeu ma?" Veiz Siujhungz youh riu naeuz: "Gou hix lau ha! Hoeng, danghnaeuz bouxboux cungj lau haeu lau uq, ndaw gyausiz haeuhuhu, daihgya cungj mbouj ndei souh ha." Gou dingq le, engq boiqfug Veiz Siujhungz lo.

Gij binjdzw Veiz Siujhungz geijlai ndei ha! Nanzdauh mbouj daeng daihgya haen de ma?

(指导老师:覃珍团)

Daxboh Maez Densi

电视迷爸爸

贵港市覃塘区蒙公乡高占小学 五(2)班 黄港源

"Lwngyez gaej luenh gauj, gvaq mbiengj ndeu bae guhcaemz." Gangj le, de couh gyaep gou haeuj ndaw rug bae lo.

Mbouj caj daxboh naengh roengzdaeuq, gou youh laeglemx cienq dauqma ndaw dingdangz lo, lumj byajmig nei vaiqv et "caeg" aeu aen yauzunggi, riengjret vuenh daiz. Daxboh raen densi sawqmwh deng vuenh daiz le, lienzmuengz iet fwngz vax yauzunggi, hoeng yauzunggi hix mbouj raen lo, daxboh ngawz lo. Gou youq henz laeglemx riunyaen, daxboh raen gou riu, sikhaek rongx coh gou: "Mwngz ha, ngamqngamq cuengq gvaq mwngz, caen dwg sim ndei mbouj ndaej bauq ndei ha!"

Gangj sat, daxboh gaem hwnj gaiq gyaqdakbuh, siengj fad gou deuz le ndeindei yawj densi. Gou guh aen najgvaiq ndeu, yaengx fwngz vadvad yauzunggi daeuq daxboh: "Yauzunggi youq gizneix, gvaqdaeuq aeu vei." Mboujliuh, fwngz gou baez vad, yauzunggi "ba" sing ndeu doek daengz gwnz dieg, vaih lo. Gou caeuq daxboh cungj doeknaiq lo, daxboh miz heiq mbouj miz rengz dwk gangj: "Cungj gvaq mwngz, danghnaeuz mbouj miz mwngz gaujgvej, gou couh ndaej ndeindei yawj densi lo."

Ngoenzneix, daxboh cungj hemq mbwq lai lo. Hwhw, neix couh dwg daxboh maez densi gou.

(指导老师:覃珍团)



Gangj daengz densi, bouxlawz mbouj gyaez? Hoeng daxboh gou mbouj dwg itbuen gyaez, dwg gig haeujmaez ne!

"Dwk ndaej ndei, dwk ndaej ndei!" Daxboh seizneix naengh youq naj aen densi angq dwk yawj dwk giuz doxdax, gou swnh de mbouj haeujsim, couh gaem aen yauzunggi deuz. Caengz caj gou vuenh daiz youh deng daxboh ciengj yauzunggi gvaqbae lo, de itmienh vadfwnz itmienh naeuz: